



Bosna i Hercegovina  
Federacija Bosne i Hercegovine  
Kanton Sarajevo  
OPĆINA VOGOŠĆA  
**OPĆINSKI NAČELNIK**



Vogošća, ul. Jošanička br. 80, tel: 00387 33 586-411

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj: 49/06 i 51/09), člana 71, 124. i 125. Statuta Općine Vogošća („Službene novine Kantona Sarajevo“, broj: 27/14 – Prečišćen tekst, 14/15, 9/20 i 23/24), Pravilnika o ostvarivanju prava na jednokratnu novčanu pomoć oboljelim od celijakije Općine Vogošća, broj: 09-31-99/26 od 28.01.2026.godine, Odluke o izvršavanju Budžeta Općine Vogošća za 2026. godinu („Službene novine Kantona Sarajevo“, broj: 2/26), Smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine („Službene novine Federacije BiH“, broj: 37/24) i Odluke Općinskog načelnika o načinu primjene smjernica o minimalnim standardima dodjele budžetskih sredstava putem transfera i subvencija u Federaciji Bosne i Hercegovine, broj: 02-02-575/25 od 15.04.2025. godine, Općinski načelnik Općine Vogošća, objavljuje:

**JAVNI POZIV**  
**za dodjelu jednokratne novčane pomoći oboljelim od celijakije**

**I – PREDMET JAVNOG POZIVA**

Predmet Javnog poziva je dodjela jednokratne novčane pomoći oboljelim od celijakije. Pomoć će biti dodijeljena u skladu sa raspoloživim sredstvima u Budžetu Općine Vogošća za 2026. godinu, shodno podnesenim zahtjevima.

**II – FINANSIJSKA SREDSTVA**

Finansijska sredstva za dodjelu jednokratne novčane pomoći oboljelim od celijakije raspoređivat će se u skladu sa Pravilnikom o ostvarivanju prava na jednokratnu novčanu pomoć oboljelim od celijakije Općine Vogošća, sa budžetske pozicije:

- 614239 – pomoć oboljelim od celijakije;

Ukupan iznos planiranih sredstava u Budžetu Općine Vogošća za 2026. godinu iznosi 12.000,00 KM. Visina iznosa jednokratne novčane pomoći je utvrđena Pravilnikom.

**III – PRAVO NA DODJELU JEDNOKRATNE NOVČANE POMOĆI**

Pravo na dodjelu jednokratne novčane pomoći oboljelim od celijakije, korisnici mogu ostvariti jednom u toku kalendarske godine u skladu sa Pravilnikom.

**IV – USLOVI ZA OSTVARIVANJE PRAVA**

Uslovi za ostvarivanje prava:

- (1) da je lice državljanin Bosne i Hercegovine;
- (2) da lice ima prijavljeno prebivalište na području općine Vogošća najmanje 1 (jednu) godinu neposredno prije podnošenja zahtjeva.

## **V – POTREBNA DOKUMENTACIJA**

Prilikom prijave potrebno je priložiti dokumentaciju u originalu ili ovjerenoj fotokopiji:

- 1) čitko popunjen i potpisan propisani obrazac zahtjeva, koji je sastavni dio ovog Javnog poziva;
- 2) uvjerenje o državljanstvu za podnosioca zahtjeva (ne starije od 6 mjeseci);
- 3) uvjerenje o kretanju za podnosioca zahtjeva (ne starije od 3 mjeseca);
- 4) nalaz zdravstvene ustanove kojim se potvrđuje da podnosilac boluje od celijakije (ne stariji od 6 mjeseci);
- 5) potvrda o broju tekućeg računa na ime podnosioca zahtjeva.

## **VI – POSTUPAK DODJELE JEDNOKRATNE NOVČANE POMOĆI**

- 1) Postupak za dodjelu jednokratne novčane pomoći provodi nadležna Služba
- 2) Nakon utvrđivanja da su ispunjeni propisani uslovi, Općinski načelnik putem nadležne Službe donosi Rješenje
- 3) Na osnovu Rješenja, lice ostvaruje pravo na direktnu uplatu sredstava iz Budžeta Općine.
- 4) Zahtjevi koji ne ispunjavaju uslove, kao i zahtjevi podneseni nakon utroška raspoloživih budžetskih sredstava, odbijaju se Zaključkom Općinskog načelnika putem nadležne Službe.
- 5) Protiv Zaključka može se izjaviti žalba Drugostepenoj stručnoj komisiji Općinskog vijeća u roku od 15 dana od dana prijema akta.

## **VII – POSTUPAK PODNOŠENJA ZAHTJEVA**

Zahtjevi sa dokumentacijom traženom ovim Javnim pozivom podnose se direktno na protokol Općine Vogošća ili putem pošte na adresu:

**OPĆINA VOGOŠĆA**  
**Služba za boračko-invalidsku i socijalnu zaštitu**  
**Ulica Jošanička broj 80**  
**71320 Vogošća**

sa naznakom: „Prijava na Javni poziv za dodjelu jednokratne novčane pomoći  
oboljelim od celijakije“

**Javni poziv ostaje otvoren do kraja tekuće kalendarske godine, odnosno do 31.12.2026. godine ili do utroška planiranih budžetskih sredstava.**

Sve dodatne informacije vezane za Javni poziv mogu se dobiti svakim radnim danom, pozivom na brojeve telefona 033/586-470 ili 033/586-471 ili direktno u prostorijama Službe za boračko-invalidsku i socijalnu zaštitu (II sprat, kancelarija broj 40 i 42).

Nepotpuna i neblagovremena dokumentacija neće se uzimati u razmatranje.

Broj: 09-31-99-1/26  
Vogošća, 30.01.2026.godine

OPĆINSKI NAČELNIK

\_\_\_\_\_  
**Migdad Hasanović**